

四庫全書

集部

欽定四庫全書

石倉歷代詩選卷三百四十五

明 曹學佺 編

明詩初集六十五

胡廣

字光大
廬陵人

贈別

驅車出郭門，追追欲何之。
駕言向闕隴，指日西北馳。
朝登黃河壠，暮投洛與伊。
歷覽有古迹，憑高多曠辭。
由來

賢達人壯志在西陲焉能事局促徒負蓬桑為念子本
超宕雅懷良不羈所希在前轍離別寧足悲

題程節婦卷

結髮誓同穴百歲以為期託身在然諾此情惟心知夫
君既奄忽妾生亦何為飛鳥有比翼樹木尚連枝嗟人
秉靈性胡能乖所持一死信獨難義重復奚疑茫茫長
夜臺皎皎冰玉姿相見宛如夢精魂常倡隨

謁青陽先生祠

征艤泊修渚前登皖城隅曠懷浩無際弔古重踟躕偉哉青陽公文武足憲謨撓捨動南服勁氣空萬夫百戰撫瘡痍六載枕戈殳盼窮援兵絕力竭形勢孤天步挽不回已矣夫何如慷慨盡一決取義以捐軀全家萃忠節之死矢不渝精誠懸景耀赫赫凌蒼虛綱常振頽俗靡波障奔趨褒揚列汗竹廟食儼龍舒大江逝滔滔惟有伍相俱淒涼古祠下日夕靈飈呼

文丞相祠

丞相生異質挺特真天人勁氣薄霄漢國亡將軀徇上
書抗直言屢欲斬賊臣大事已云徂乃付秉軸釣降表
夜竊出六營竟蒙塵嗟彼賣國者致公何狡鈍萬死出
虎口努力支蒼旻崎嶇走嶺海顛沛念君親徒手格猛
獸敵騎正駛駛勢窮猝被執誓死以成仁悵望零丁洋
欲濟迷遠津天高憐戢翼水涸悲縱鱗羈縲詎遑恤犴
狴經數春採薇恥食粟詠歌傷獲麟從容乃就義慷慨
馬顧身所學希聖賢臨死書諸紳

高唐州與幼孜入榆林中避風沙漸行入夏津
縣古河屯遇一田家邀予二人飲意甚勤厚
幼孜飲少僕為飲數杯上馬而去

策馬度榆林行次古河曲曲堤隱若城河流已不復下
馬飲河水逢人問鄉俗田家有好懷邀我坐茆屋為言
家登萊分丁屯大陸居此成聚落歲久繁生育公家值
少事衣食恒自足所欣達官至閑甕酒初熟呼婦滌金
罍旋芻春分醱馨香忽出戶浮蟻泛糟麴雖無肴與核

羅案具蔬菽野人性真率酬勸情轉篤殷勤慰渴饑餘
以及童僕意氣自豁然豈能令拘束興闌出門巷老少
似徵逐相送河上村徘徊佇延目

過德州有感

平原襟喉郡城堞亦何雄地控齊魯際路當幽薊衝古
河忘舊名故壘有遺蹤我頻扈仙蹕來往經山東到此
懷宿昔望遠臺已空詎失方朔聰明無管公高士文
不傳禡衡賦徒工若人俱寂寞蔓草起淒風偉哉顏太

師矯矯人中龍智明炳幾先芽蘖防奸兇豺虎方哮噬
于以折其鋒霜雪瘁百草挺然見孤松高名懸日月壯
節凌蒼穹千年英烈氣尚見成長虹

駐師環瓊圖

日出見山低日入望山高四山宛如環層沓湧秋濤天
兵駐連營雲霞護鐵旄春陽被野草暖氣回征袍司馬
用九伐廟略全六韜師行貴神速令肅無歡囂勇士憤
氣盛泰山壓秋毫上軍先伐謀小醜焉能逃漢將伊吾

捷乘夜趨臨洮何如仁義師一舉弓矢橐

采石述懷

我生厭局促江海日奔馳扁舟薄暮過采石仙人招我
登峨眉峨眉亭前波浩渺百尺懸崆俯飛鳥三山潮到
浪欲平明月來時漾珠小錦袍公子李謫仙騎鯨一去
經千年作詩往有三百篇上追風雅相流傳却向此中
看月色翻身跳入龍宮眠纖塵不染骨已蛻空餘荒塚
埋雲煙便呼斗酒酬江水再起共乘墳下船將攜兩僅

歌扣舷玉簫吹斷催繁絃世上黃金不如土取醉何須
斗十千悠然懷古怨莫極留得青山舊相識傍人訴我
酒家仙亦有從前好詩癖夜闌慷慨曲未終起舞拂袖
來江風朝雞促報東方曙放手但覺金樽空君不見摩
挲銅狄徒搔首今古英雄歸一朽虛名落在宇宙間惟
有文章可長久

草書歌

妙年好武仍好文伊誰之能趙將軍精誠皎潔懸白日

浩氣磊落橫青雲憶從仗劍事明主帳下賢勞忘辛苦
據鞍草檄人共知破敵寧旗心自許只今海宇歌太平
侍從形墀承穆清朝罷臨池恣揮灑筆陣飄逸令人驚
勢如激電起倏忽又似秋空搏健鶻恍疑危石墜顛崖
歛若潛蛟躍溟渤神情沖澹更蕭散何用公孫舞經眼
昔時浪誇金錯刀此際須為鐵門限坐令索者走如市
積軸盈箱更盈几毫端變化不可測頃刻雲煙生滿紙
蹇予亦有好書癖學久無成徒歎息請公為我寫數張

毋使高堂空素辭

題邊文進畫松鶴

邊生掃素寫孤鶴，傍著長松倚雲壑。
天風吹墜銀河流，桂在丹堦九霄落。
松聲鶴唳水潺潺，恍聆仙樂鳴空山。
高秋爽籟度穹空，初疑蓬島非人間。
古稱善畫誰第一，畢宏薛稷皆名筆。
想應對此融心神，毛髮颼颼也森栗。
高堂見之若可招，竦身逸氣凌泬寥。
卷簾只恐上天去，長松灑瀑空瀟瀟。

題曉睡圖

昔聞藐姑射其山多神仙雲裾霞袂何蹁躚今之畫圖
無乃是人間一住三千年紗帷半揭清如洗十二欄干
曙光裏天風吹夢度寥廓倦倚鯁絃睡不起芭蕉葉綠
松露涼枕邊裊裊騰爐香飛來啼鳥莫呼醒日上扶桑
清晝長

楊白花

楊白花度江竟不還非汝故來急恐落塗泥間春光憔

悴如花顏相思不見空長嘆浮雲流水何漫漫安得隨
風返高樹仍結柔條莫飛去楊白花攬心緒

燕辭巢

燕燕飛雙呢喃尾翛翛毛毬毬東隣西舍穿欲徧乍去
忽來看人面東家有屋不我容西家屋破愁雨風營巢
寄栖只如客嗟胡為乎于我阨所求寸隙暫安窠主人
不容將奈何渴不飲爾漿饑不啄爾粟廣廈庇梁上焉
用苦相逐西家却有賢主人銜泥接食憐我勤使我為

巢隨所擇汙書點案俱不嗔生雛長大羽翼成忽然飛去那無情燕雛飛去復飛來別遽祇畏傍人猜更借梁間過幾宿為謝主人深煦育正恐秋高落木稀一朝各自東西飛主人留我不能住此意蒼黃誰得知但願主人好心事年年生子來相依

可惜行

可惜復可惜人生百年駒過隙昨日已往不再來今朝欲留留不得請君莫學流浪徒此身堪歎非常軀丈夫

貴自率真性造化賦予無賢愚君不見南隣富薰天呼
盧一擲百萬錢昨日探丸馳駿馬今朝已葬泉臺下世
上悠悠只如此可惜空生復空死

滕縣隨獵觀犬噉虎

隨獵入深山山深多乳虎虎見人來却負嵎人一向之
觸而怒羣犬聞虎聲競趨至虎傍下口亂咋虎莫當犬
視噉虎如噉羊昔聞泰山麓有虎相馳逐尼父駐遊車
下問婦人哭嗚呼安得此犬在當時盡驅猛虎食其肉

更啗貪殘羣吏酷

元夕觀燈侍宴十六韻

聖主恩波雨露濃清時宴樂四方同千門燈火笙簫裏
五夜樓臺錦繡中玉樹焜煌環絳闕銀蟾皎潔晃瑤宮
煙凝寶蓋麒麟紫星散金蓮琥珀紅忽似形霞明紫殿
恍如珠斗下璿空輦扶仙鶴青冥外山載靈鼈碧海東
層疊雲林消暗藹微茫巖岫聳龍從漏聲稀報渾疑曙
蠟焰交騰欲辨虹翡翠簾櫳光燦珊瑚枝榦影玲瓏

天街深邃無塵到河漢低迴有路通雉扇徐分龍袞近
鑾輿侍衛虎賁雄瓊卮賜酒催中使玉珮聯班列上公
接席相歡諧語笑當筵趨扮舞夷戎教坊角技呈諸戲
光祿盤飧饋有饌既醉又聞歌湛露序賢端擬詠敷弓
已看稷禹遭逢盛不數鄒枚賦頌工

送周判官致仕

送別倒離樽春風白下門暖煙滋柳色新水上潮痕落
日廻孤棹幽居憶舊村獨憐江浦月隨處照黃昏

西園

西園臨絕嶠草樹有餘清浦月隨潮上山雲帶雨生密
煙籠暝色虛籟發秋聲長憶幽棲趣都忘軒冕情

中秋夕示諸兒

五載從巡狩三年住北京中秋氣已肅今夜月偏清佳
節催吾老詩書望後生遙知把酒處重有憶親情

重陪駕至太液池

玉砌臨無地飛甍上倚天微風斜舞燕高柳拂鳴蟬芳

草茸茸細池荷箇箇圓孰知丹禁裏別有好林泉

內直次韻

天門侍立已多時內閣從容退食遲四海太平應有象
九重端拱正無為扶桑日上黃金殿閣闔風生赤羽旗
共喜草萊深雨露華夷從此樂雍熙

秋日早朝次王簡討韻

夏滿都城一雁飛輕羅初擬試朝衣城頭鼓角傳更滿
闕下星河向曉稀佳氣入雲浮紫殿新涼先雨到彤闈

涵濡此際雍熙日誰識陽和造化機

望廬山

廬阜高寒挿劍鋌晚晴遙望入蒼蒼千層華蓋從天下
九疊屏風帶雪張影落平湖青黛小秀分南紀白雲長
他年五老能招隱便結松巢跨石梁

發池口

夜靜扁舟向曉閑中流渺渺棹歌來雪留翠巘春寒在
日落黃蘆暝色催壯節未酬空把劍羈懷欲遣莫停杯

故園別後無消息愁見江城雁北回

寄簡夫

幾度詞垣對夕暉懷君千里恨相違乍逢故友將詩寄
久別文江覺夢稀牛渚波光天際遠龍河草色雨中微
遙知習靜東山下閒看浮雲出岫飛

鄉闈懷同寅諸友

棘闈清坐思迢迢咫尺詞垣隔九霄青草晝長閒草制
紫宸天近早趨朝萬家秋色煙中樹一曲涼聲月下簫

試問故人相憶否離情欲寄塞鴻遙

送李輔歸鄉

都門曙色已曈曨相送離亭思萬重日下紅塵迷遠岫
雲邊紫閣度疎鐘家書欲寄雙鳬渚鄉夢先過五老峰
同學舊遊煩寄語別情應似宦情濃

陪祀南郊

聖主升中禮玉皇碧霄雲淨月蒼蒼星河晃漾搖雙炬
煙霧空濛散好香玉珮上公趨執事朱衣宿衛列成行

小臣侍從天壇下聽徹簫韶頌我將

贈黃中書還永嘉

玉珮趨陪紫禁朝春風華髮已蕭蕭雙槐葉暗藏仙閣
萬柳絲長拂御橋別醑欲留江浦月歸舟應泛海門潮
鳳凰池上承優渥賜勅光榮出九霄

別解華容

拜命辭朝出紫宸一官初受寵恩新來時共泛西江雪
去日平分上苑春彭蠡望窮懷故國洞庭隨處是通津

華容凋敝勞蘇息莫對雙松坼幘巾

祝教諭萬竹軒

軒前種竹一萬箇滿地春雲亞綠陰俗客不知幽絕處
清風長在翠微深每逢白晝聞秋籟只恐蒼龍起夜雲
欲訪此君分半席歲寒還許結同心

示長兒種

玉署恩深雨露滋難將淺薄報明時求田問舍非吾事
績學承家待汝為休老不愁無地著清名只畏有人知

從來貧賤多真樂陋巷簞瓢是我師

送梁本之溧陽教諭

翰苑詞華數令兄連枝偏許擅才名傳經已紹梁丘賀作賦應傳禡正平路繞溧陽秋樹色舟移淮浦晚潮聲一官莫嘆儒氊冷自有青雲萬里程

翠雲書房

丹房遙在郡城西半倚林巒半俯溪山色入簾青靄合松陰落戶翠雲低水邊臨帖看魚躍花外吟詩聽鳥啼

亦有江樓隣石屋苦因疎懶憶幽棲

別江紀善

十年清宦住京畿白髮蕭蕭舊布衣鄉里衣冠前輩在
關河離別故人稀官橋細柳藏新雨水驛輕帆背落暉
我有愁心何處遣秋來日望雁南飛

贈勲司施谷安員外除南康太守

南康出守分符重北闕掄才考績優玉佩已辭雙闕去
牙檣遙掛九江秋匡廬樹色圍山郭彭蠡湖光入郡樓

露冕臨民多暇日石門仙洞足清遊

題源隱詩卷

憶度黃源訪舊遊滿溪花柳映山樓到門青草還同逸
遶屋白雲長不收載酒有時尋石室惜春隨處步林丘
驅馳却說幽棲好夢隔芙蓉萬疊秋

和胡祭酒快雪喜晴

風急浮雲斷復連寒生孤館憶青氊北京九月先飛雪
南客衣單欲換綿金闕峩峩天影近瓊林璀璨日華鮮

也知東閣多詩興漫和陽春寫素牋

春日扈從幸北京

曉隨仙仗出時巡聖主恩深四海春萬馬踏雲開輦路
六龍扶日度天津陽和布澤初回暖別苑飛花不動塵
豈是揚雄能獻賦空慚載筆列詞臣

送人之官漢州

萬里迢迢蜀道行秋江遠水一帆輕楚臺去雁雲邊影
巫峽啼猿月裏聲經學舊傳秦博士禮儀曾習魯諸生

到時倘見劉明府天上交遊惜別情

劉校書先生調沂州學正賦此贈別

白髮校書前座主碧山學士舊門生
幾年睽隔勞宵夢此日歡逢慰故情
薊北雲山留遠別濟南風土入修程
遠持校鐸沂州去模楷英髦屬老成

別王子通

窗外蕭蕭竹萬竿酒醒聞雪夜深寒五更魂夢辭家遠
幾日風波去路難最恨長卿猶卧病祇憐貢禹浪彈冠

明朝不盡河梁意滿目雲山別後看

寄劉子通

蕭條煙水暗滄洲別思依依憶舊游落葉滿林聞雁過
青山隔屋見雲收窗前清夢三更月籬下黃花九日秋
欲問近來為客况一竿擬上釣魚舟

送黃給事中歸省

三山故郡倚天開暫得承恩日下回別夢未辭青瑣闈
歸心先到白龍臺闌河雁影隨秋度京口潮聲向夕來

綵服趨庭欣拜舞黃花稱壽酒盈杯

病起早朝蒙恩再予告三日

卧病經旬不出闈今朝喜得覲龍顏立依玉笋慚容瘦
趨入金門覺步艱天語更傳三日告客居猶得幾時閒
自緣草木同榮瘁只在生成雨露間

甲午元夕午門觀燈

聖人端拱致中和四海雍熙樂事多玉燭麗天明日月
春風送暖入山河親逢軒后垂衣治重聽堯民擊壤歌

佳節年年陪宴樂草茅何幸沐恩波

楊庶子雲山草堂

昔向雲山結草堂半分山色半池光
讀書捲幔雲生座掃石彈琴月到牀
習靜有時惟看竹清齋無事只焚香
而今已作金門隱幽興毋勞引夢長

元夕黃庶子宅夜宴賦牡丹花燈

萬片玲瓏費剪裁明燈繞上一齊開因看色相元如幻
自識根株不用哉艷質每從春夜見光輝疑是月中來

年年此夕成歡賞豈必清歌勸酒杯

送陳士瞻歸新昌

金門瑣闈集羣儒讌校應過漢石渠
投老却辭天府駟

好賢空賦谷中駒閒門修竹開三逕
何處扁舟入五湖

迢遞江南看天姥翠微千片白雲孤



石倉歷代詩選卷三百四十五

欽定四庫全書

集部

石倉歷代詩選卷三百四十六至九

詳校官庶吉士臣龍廷槐

侍讀臣孫球覆勘

總校官進士臣朱齡

校對官中書臣田尹衡

謄錄監生臣田綺紳

欽定四庫全書

石倉歷代詩選卷三百四十六

明 曹學佺 編

明詩初集六十六

金幼孜

新渝

長林書屋為學士胡公賦

我昔游青原聞子盧滄洲近瞰芙蓉山遙睇大江流繞
屋植嘉木開軒面良疇繁陰奪炎夏爽氣迴高秋庭除

鳥雀靜白日人事幽牙籤積架上縹帙盈案頭講誦窮
晝夜奮力追前修羣言極探索大小悉搜求藏修既有
時俛仰隨所由朝吟倚窗竹夕覽登高樓援琴酌白酒
盍簪聚朋儔抽毫落風雨揮劒排斗牛一朝辭鄉校戰
藝即見投高舉薄霄漢遠覽帝王州匡時展經術所志
在伊周清華職論忠秉筆贊鴻猷步趨邇禁闈顧問軒
宸旒侍從十五載荷蒙恩寵優去年省桑梓偶得尋舊
丘徘徊撫林木感嘆非昔遊滄波去浩浩白雲日悠悠

鹿門未有期小山不可留臨風駐遐想悵恍增煩憂因
之寄圖畫聊復寫綢繆尚期返初服白首同歸休

湖山佳趣為黃博士賦

屏跡幕閒曠素有高世姿結茅謝塵鞅澹然心自怡湖
光涵几席山色臨書帷游魚戲文藻好鳥鳴高枝橫琴
芳樹下濯足清澗渭開樽酌美酒揮毫賦新詩緬懷百
年內誰復同襟期一朝際休運忽與雲壑辭薦書達名
姓文彩何陸離昨來居太學橫經擁臯比羣才資樂育

講論忘渴飢出處諒不偶通顯固有時相期貴努力補
哀方在茲他年謝簪盍庶以慰相思

酌泉亭為嘉靖吳員外乃弟賦

昔有吳刺史飲泉著清聲廉貪勵高節千載揚芳馨興
言家淹曲結屋依巖扃青山列戶牖嘉木羅前楹流泉
出砌下一碧湛泓渟齋居誦遺訓仰止思繼承白雲蔭
芳潤皓月涵虛明永日愜幽賞俯仰挹清泠一酌祛煩
慮再酌怡神形三酌沁肌骨頻使心目清匪茲樂澹泊

實以固幽貞嗟彼寰中人胡為獨營營沈酣嗜麌蘖夜
旦了不醒視此酌泉者寧不畏惕驚寒予慕修潔清華
邇蓬瀛幸茲遠氛濁漱滌瓊瑤英凜然對冰雪朝夕懷
兢兢誓圖堅晚節補報竭忠誠因斯發佳詠聊以寄高
情

為王侍講時彥題秋意圖

長天帶遠景絕島含秋意橋響客時過竹深門獨閉蒼
煙迴蕭瑟落日生迢遙回首大江西故山何處是

兩日風雨過滿目皆秋意
開軒瀨氣回入座涼飈至高梧
響蕭蕭鳴蜩方囁囁端坐閱寒暑
令人發清喟

雪窩為翰林院修撰苗衷賦

泮池凍壓芹藻蒼雪窩湛湛通銀潢瓊姿玉質烟寒素
短襦碧檻凝清光蓬萊浩渺徹銀闕羅浮夢裏何殊別
淨色微含冷淡風暗香連度黃昏月當年美人尤好竒
對此轉覺心神怡花明高閣朝吟處簾捲寒窗外夜暝時

只今遠隔西湖側欲托山悰那可得青綾僂值玉堂深
夢寐猶疑照顏色新圖貌得重南金時來展玩清煩襟
為君揮翰寫長句願保平生貞白心

題松鶴

薛公畫鶴藝殊絕真跡人間半磨滅玉堂退直見新圖
毛骨蕭疎渾彷彿丹砂作頂霜作翎迥立松梢壓蒼雪
試看挺特仙容姿軒昂豈是樊籠物萬里高挾遼海風
一聲清唳臨臯月忽然振翼將遠舉雲薄天空一超越

肯學池塘鷗鷺羣啄食卑污外空潔懸知素璧玩且久似有涼風起寥泬赤松異日許同遊借爾翹翔向金闕

秋日登萬歲山

萬歲之山高挿天遠摩蒼翠凌紫煙瑤樓玉宇耀初日碧窗朱戶相輝鮮春風瑤草長新綠珊瑚玉樹何娟娟鶯啼白晝出深谷縞鶴歲久巢松巔洞門陰陰苔蘚碧石澗九曲通流泉日轉金輿經翠巘風迴仙仗度花前天香遙散廣寒外紫翠近落瑤池邊方壺貞嶠果安在

閬風瑤圃徒虛傳偶來登覽上絕頂便欲振袂凌飛仙
凌飛仙坐閱天地夜不老上下日月同周旋

扈從車駕巡邊過裴村田舍與楊少傳共酌

清朝催上道出郭聽鳴笳野水流冰澗江風漲雪沙清
談駐鞍馬小酌坐田家扈蹕慚衰邁應憐兩鬢華

晚同楊少傳蹇夏二尚書宿田家

馬頭瞻落日尋宿過田野老欣相得村醪不用賒田
園樂豐歲耕牧足生涯搖落秋將盡因之感歲華

題南園琴趣

閉居慕恬曠雅趣在南園山水留遺韻煙霞隔世喧幽
蘭宜獨操大雅共誰論我亦知音者何時一過門

禁中大雪再和曾侍講韻

凍雲壓地曉寒清剪出瑤花片片輕撩亂欲迷鶴鵲觀
霏微遠度鳳凰城湘簾半捲飛還落輦道經行掃更平
向晚玉堂光可燭細看書卷獨分明

和若思胡祭酒至後詠懷

學省朝回無一事釣簾坐看雪飛花故人問字或載酒
揮子敲冰時煮茶東閣十年同載筆西江千里共思家
昨朝葭琯陽初動似覺新袍煖漸加

寄伯兄季質及諸弟

弟兄不見十餘年南北相望各一天久別故園空有夢
新添白髮自堪憐已知放浪煙霞外自愧棲遲雨露邊
愁思滿懷無處著朝回時誦鶴鵠篇

雲山草堂為楊庶子賦

聞道幽居近翠微
好山多與白雲齊
柳塘日煖花爭發
門巷春深鳥自啼
酒醒每臨松下坐
詩成閒向竹間題
一從射策金門去
風雨年年夢建溪

元夕午門賜觀燈

天仗森森列寶臺
教坊初進鼓如雷
金蓮夜放輕寒散
絳蠟春融瑞氣回
仙樂謾調雙玉管
紫宸頻上萬年杯
傳柑歲歲承恩渥
感遇深慚負不才

花洞垂綸

桃花洞口水洄沿下有漁郎理釣船萬頃光浮雙島月
一絲晴漾碧波煙高風未許誇桐水逆興何殊在渭川
已喜飛騰霄漢上不須回首記當年

岫雲軒為泥田周叔昭作

平生心事只悠然杖履逍遙稱暮年長愛春光來座上
晴看雲影落簷前花開曉共網纏合窗外晴同紫翠連
亦欲與君尋雅趣投簪何日賦歸田

松筠軒為章仕顥作

舊住城東三畝宅種來松竹長偏成每疑蒼雪簷間落
時有涼風座上生長日持杯看鳳舞清宵隱几聽龍鳴
邇來數學君尤盛深識先天造化情

贈王行人使安南

承恩曉出九重天王事驅馳念獨賢奉詔尉佗煩陸賈
尋源西域得張騫車書自昔通南紀聲教于今偏八埏
聖主綏懷恩似海殷勤得意在敷宣

中秋宴集和荅胡學士

直舍西頭俯禁城鈎簾坐待月華明詩題練筆誇先就
酒注銀瓶勸滿傾蟾桂風清微有影金莖露下不聞聲
比來此會應難得且共酣歌詠太平

正月十四夕黃侍讀宗豫請賞蓮花燈時光大

胡公席上有詠走筆屬和之

艷質娉婷巧製裁瓊枝高下一時開偏宜午夜瑤池看
絕勝當年玉井裁絳貝斜分霞影亂畫簾低引月華來
金吾此夕知無禁顛倒何妨累百杯

題老鶴

老氣崢嶸不可羈
蒼松白石舊相依
海霞煖護丹砂頂
山月寒生白雪衣
赤辟當年曾入夢
青田此日獨來歸
也知骨格非凡種
故爾摩挲思欲飛

薊門煙樹

野色蒼蒼接薊門
淡煙疎樹碧綱縕
過橋酒幔依稀見
附郭人家遠近分
翠雨落花何處有
綠陰啼鳥坐來聞
玉京盡日多佳氣
縹渺還看映五雲

都門曉望

春滿皇都淑氣清偶來縱目一舒情遠山漠漠平臨野
綠柳依依半出城負郭牛年初散牧隔花鶯鳥自和鳴

玉泉近繞宮牆過香霧遙從島樹生天上旌旗迴仗影
人間簫管雜歌聲也知聖代多恩澤況是豐年樂太平

元夕午門觀燈應制

雲擁蓬萊五色濃銀燈爛燭照芙蓉笙歌一派來天上

萬歲聲中拜六龍

又

天街雪後淨氛埃月上龍樓寶仗開盡道聖恩深似海
觀燈都向午門來

闔闔重重夜不扃瓊樓十二敞銀屏東風一曲昇平樂
此夜都人盡許聽

白蓮為樂舞生賦

秋水清涵白玉盤露華淨洗鏡光寒幾回欲載吹簫侶
儘向瑤池月下看

山窗夜雨

深澗垂蘿暗竹房半枝殘燭雨聲涼蕭條樹葉千峰裏
不獨猿聲斷客腸

附梁潛

字用之
泰和人

耕讀軒

君子貴不苟尚志審厥初所以居貧賤嗜道每忘劬穀
農跡已遠至理幸未渝晨興荷耒往暮還讀其書寸心
苟有會千載仰弗殊邈矣汾水濱悠悠鹿門居願言慎

自勉高情與之俱

春日言懷

白日不可繫青春能幾何忽然一醉起落花何其多坐
看東逝水無復西流波姪孔安在哉黃綺亦蹉跎感之
忽不樂涕泗雙滂沱

述懷呈瀏陽邑教周貞

茅屋過疎雨靜夜聞江聲倦來不成寐惆悵萬里行更
闌燭屢換酒濁盃復傾偶然歡治好遂忘羈旅情天明

出門去還望南山清

誠意堂為文江熊自誠作

端居澹無營反躬得至理嗟惟方寸懷萬化從茲起一
念尚自欺斜徑蕩無軌皇皇先聖言明明白坦如砥充之
妙神化率由自敬止高堂既孔幽圖書積盈几歛情息
紛馳虛襟謝塵累深造苟弗渝上達良在此前哲日凋
喪顧予亦衰止安得攜孤桐往訪文江溪

古松流泉圖為學士楊公作

絕壁何峩峩下有太古松飛泉漱其根交柯凌蒼穹
颯然雲氣合往往藏蛟龍千里起暝色萬壑來長風高堂
忽見之令我心挹融何當采茯苓服之形神充五粒如
可種千歲當還童

送蕭孟恒御史按廣東道經故鄉因託致家書
豸冠何義義繡衣亦煌煌晨興出都門攬轡臨周行使
節豈不榮况乃還故鄉層樓俯丹谿佳樹含秋芳賓親
遠近至列讌湛霞觴涼風夜來起露下忽沾裳諒無凌

風翻遙望空彷徨

東里

佳景媚長川水光燦迢遞倚窗恣遐覽涼颸颯然至黃
花亦已芳幽香忽盈袂頗懷東里人簡曠有深意萬里
苦垂違三春勞夢寐佳會已云邇中情益翹企

挽蕭處士

石火與電影著日無留光人生亦如此念之良足傷哉
哉三尺墳神歿形亦藏東風吹草綠草色何茫茫返景

不下燭泉臺夜何長我有雙明珠擬贈何由將

漁父辭劍圖為胡學士題

日落昭關暮煙紫東望吳中一千里江濤怒湧如雪山
我無羽翼高飛難感君意氣一回顧度却洪波心更苦
腰間寶劍能語言解贈向君肝膽露丈夫相遇心相知
傾情倒意何所疑窮途倉皇足悲嘵此去道路猶險巇
水有蛟龍山有虎知爾千愁復萬慮還君寶劍慎周防

荆門路斷魂茫茫

合州寫懷

水合交層浪峰回出翠鬟雲隨村艇去鷗趁洑流還斗
酒相忘甚寸心如此閑不應蓬底醉過却釣魚山

送人作合瀛縣

邛城東去路何處是瀛洲落木山容瘦晴天海氣浮車
輪應暫住樽酒迭相酌知爾才名盛微邦不久留

七月十七日駕還自塞北

六軍歌舞上金臺聖主親巡玉塞回簫管遠隨雙鳳下

煙霞高擁六龍來香飄寶鼎前旌合表進金函內殿開
願祝堯年千萬壽太平恩澤到蓬萊

五色薔薇

佳種何年此地栽繁花五色照蓬萊彩雲不逐春風散
香霧輕籠錦障開漫憶當時青羽佩空餘此日紫霞杯
芳菲依舊還堪賞鸞鶴高飛不重回

元夜陪駕宴午門

銀漢橫空寶月團六鷁飛出五雲端蓬萊紫氣天中起

玉井紅蓮地上看，滿殿嬌歌留夜景。
千門羯鼓散春寒，教坊戲樂年年異。
願奉龍顏萬歲歡。

秋夜曲

月落河斜漏聲滙，美人猶在閑階立。
陡覺風來羅袖寒，滿池涼露荷花濕。

又

鴛黃短褐素羅裳，紫綉盤囊蘇合香。
深夜倚簾愁不寐，池頭忽見睡鴛鴦。

山水

山外清江江外沙白雲靜處有人家船頭不是仙源送
那得飛來數片花

附甘瑾

字彥初
餘干人

題何梅閣仙居

迹不到城市逢人無厚顏一瓢風外樹雙屐雨中山流
水春喧碓歸雲暮掩闌憂時心未已祇益鬢毛斑

題張氏竹園別業

避難疎狂客長貧少定居採芝空有曲種樹豈無書擬
製山東屐看馳下澤車肯容疎懶迹來往狎樵漁

秋閨怨

惆悵下簾鉤空庭月影流錦衾成獨旦羅扇覺先秋火
煖薰龍燠泉寒汲綆修祇憐雲際鴈傳得玉闕愁

讀史有感

二龍遙望渺東遊弓劍蒼茫滿地愁青草空遺雙塚月
彩雲俄散六宮秋長江落日忠臣恨易水寒風壯士羞

楚漢興亡俱一夢當時何用割鴻溝

讀文丞相傳

萬里冰天泣楚冠南雲歸計路漫漫尚留一旅興王易
不念孤兒立國難樓櫓海門西日暗劍歌江介朔風寒
九原痛憶遺黎在千載奸諛掩淚看

題余忠宣請授兵書

大將分符自朔庭出師江漢肅南征賀蘭不救睢陽厄
無忌難收鄆下兵唇齒百年誰復恤簡書千載漫多情

西風一劍英雄淚已逐寒江日夜聲

錢塘懷古

咸洛彫殘幾百州中原誰切祖生憂秦闕辭使星馳夕
漢苑銅仙露泣秋萬死奸諛和敵計百年臣子戴天讐
欲從故老詢遺事斗酒難澆磊塊愁

寓舍偶題

四海麾戎滿中原汗馬疲龍蛇傷紀歲麟鳳歎非時土
貢色茆廢邊防羽檄馳杜陵憂國念釋悶強裁詩

題喻元良義士卷

保障聯民伍鄉亭習鼓鼙檄文能倚馬舞劍每聞雞嶺
粵南踰阻闢河北望迷載歌非杕杜感慨為君題

題陳德輝義士卷

萬姓顛虞日羣公義戰心擁兵麾白羽養士散黃金袍
賜蟠桃舊營閑細柳深里門烽警息載道凱歌音

寄沫塘高隱君

高卧東山客行年五十餘門無俗士駕家有鄰侯書樹

蔭通巢鶴共香走蠹魚冠裳謝迎送渾與世相疎

艾季誠自北回

行李京華舊誰知二陸賢並從金馬署幽訪玉堂仙書待常何薦詩從賀監傳都將倦遊夢一問五湖船

公孫

躍馬公孫氏荆湖舊拓疆函書障好絕陸戰霸圖荒城堞迷秋草樓船散夕陽龍文成五采終古在芒碭

贈人戍襄陽

漢水荒城外頻年汗馬場舟車通饋鈎部曲雜耕桑幕
府文書暇烽樓警邇長山公有愛將日醉習池傍

題杜氏逸民卷

笑拂珊瑚樹長竿學釣魚鑑湖宜載酒禹穴舊藏書和
入滄浪曲行尋下澤車了無圭組累隨處狎樵漁

梅溪宿徐橘隱者寓舍

不見故人久吟愁入鬢絲試呼村舍釀細論草堂詩夜
雨西窗燭春風別墅棋滄洲如有約歲晚共襟期

留桐廬知縣庠文學

竊食嚴陵郡驚看兩載餘催科憐政拙補報愧才疎耕稼宜盤谷漁樵本益諸間關心百折何幸賦歸斂

懷饒府陶郎二侯舊政

五馬為邦日疲氓屬撫綏載歌來暮政宜勒去思碑漢室賢良傳周人豈弟詩遺風端不泯顏范合同祠

石倉歷代詩選卷三百四十六

欽定四庫全書

石倉歷代詩選卷三百四十七

明 曹學佺 編

明詩初集六十七

鄒緝字仲熙
吉水人

望嶧山

泛舟度清濟東望鄒嶧山遙遙青霞峰明滅烟霧間石
厓上突兀峭壁高嶢屹魯邦峙岱宗茲山獨相連孤桐

生其陽古刻在其巔名標史籍中事出秦漢先至今萬代後遺跡猶見存憶昔初經過瞻望不及攀俯仰三載餘復此開心顏靈蹤尚未泯白雲時往還我欲登絕頂凌風散羽翰縱覽今古內曠然超人寰

即事

月上碧天高夜涼清露重獨起推蓬望風生碧波動兩岸蘆聲急一川烟景微忽聞棹歌響驚起白鷗飛叢叢岸葦黃濶濶江波白靜夜不成眠起坐看明月

歎楊花

輕盈不自持歷亂隨風起朝逐上林飛暮落東流水素質徒可憐貞心不自擬感此懷益深嘆息殊未已

行路難

請君勿言苦我歌行路難世事有翻覆人心若波瀾布衣扼奪卿相位禍讐起自盃酒間君不見昔時山東嘒巴夫讀書往往輕凡愚談笑強干唐舉相搖鞭西入咸陽都一言啖秦王再言扼范睢黃金束帶高堂居風雲

變態生須臾君不見魏其位擢漢公卿灌夫意氣排漢廷武安本在門下列拜伏跪起呼父兄一朝寵據津要地舊時意態寧復生寶嬰既失勢頽水亦不清狂呼罵坐何足驚咸陽市上殊無情行路難行路難人生自古有如此何須局促增嘆聲

白楊河

白楊河下春水碧白楊河邊多估客東風二月柳條新却念行人千里隔岸上居人纔數家茅茨深處見桃花

小婦河邊汲新水老翁門外看雛鴉桑苗未青麥苗綠
牛羊散落村墟牧行客年年任徃來居人自住楊河曲

題李陵泣別蘇武圖

漢家烟塵仍未息君牧海邊臣屈膝當時同憤死匈奴
誰料君今歸故國胡天茫茫塞草青君歸依舊漢官榮
臣身雖倚戎王貴收淚慚君後世名

河邊柳

河邊柳昔人曾種今還有千絲萬縷搖春風年年攀折

行人手行人朝暮相經過新條無奈別離何柔情不減
舊時意舞態誰憐幽思多北來南去知多少青青又見
河邊柳不見迎新送故情空使行人但回首

瞻雲軒為鄱陽朱仲達賦

望親舍登高秋雲飛處心悠悠思親目斷親舍遠遊子
天涯猶未返晨昏供養既有違空望飛雲長在眼年年
商賈微利得錢養親願親喜何如收拾大刀頭絲衣
堂前奉甘旨

送王道子周起巴遊學

新策明時不見收
獨攜書効別神州
且將教雨分湘郢
應見文星近斗牛
泛渚定過雲
夢澤題詩須上岳陽樓
秋風遙思登臨處
却望京華憶舊遊

九日登欽天臺

高臺百尺出城頭
佳節登臨散客愁
六代江山餘勝跡
一天雲物自清秋
石頭雁斷西風緊
鐘阜雲寒落木稠
鐘磬乍聞時已暮
一盃難盡強相酬

仙源圖

洞口春垂一片雲
仙源還有避塵人
往來茅屋渾忘歲
開遍桃花始識春
漁父已傳今屬晉
市朝誰覺久無秦
紛紛世代興亡際
回首東風感慨頻

眼暗

厭聞池沼沸羣蛙
眼暗終朝更自嗟
謾想容顏羞覽鏡
欲親書卷奈生花

附王沂詩

字子與
秦和人

題觀泉圖

彷彼泉水其清瀏瀏既出于山亦經于丘原則有坎陸
則有岐汪汪洋洋莫知所之奔壑西馳經天東注夫豈
性然勢激而寓歛此涓滴至于尋丈隨波同流惟海是
向彼觀泉者朋簪童琴洗耳其操濯纓其心鳴雨林臻
霏雪厓至時不待人圖不盡意漆園蒙莊妙契淵默君
子人與果行育德養正之功有漸無已勗爾後來是之

取爾

覽古

楚國憤奇士伍奢真可憐
人費無忌讒間平王前害
奢未及止思去二子賢
賢哉子胥智乃出無忌先
弟兄永訣別父子相棄捐
轡弓向中使去就何翩翩
吹簫道中飯脫劒江上船
艱闊歷他境慷慨張空拳
公子不可說專諸能解懸
退耕伏中野決策如轉圜
二國適多釁五年方見宣
操兵遂入郢殺氣如霏烟
不得費少傅斬首謝厥愆
徒令楚舊君乃辱吏士鞭報
楚既得志謀越

復何言屬鏤早受賜鷗草往不還樹樞志弗遂夫差隨
上仙悲君讀遷史今古慨悠然

送上清張叔大鍊師東遷

芒蕩有氣浮天闕真人乃在圯橋間功成往事赤松子
心與浮雲如等閒上清億劫玄教起坐引諸天乘珠裏時
聞仙子御風來身着山中紫霞綺東海塵飛二十年仙
凡消息兩茫然守闕人識青牛去渡海書逢白鶴前五
陵八百遺仙記思欲攀天問天帝三尺青萍手可揮一

品銀章肘先繫笑把芙蓉花相期訪蓬島不見河上公
空懷橘中老大明治世龍溪秋乍來倏往應難留月明
後夜碧天淨笙鶴遲爾緜山頭

春江靜釣

白鷺洲頭春水生青山倒影碧波明閒門却掃流塵跡
深樹似聞啼鳥聲漁舟蕩漾持竿久世事茫茫不回首
釣得金鱗換酒歸夕陽正照垂絲柳

過青原訪先侍郎勅葬處志感

賜葬憶先墳林巒鎖暮雲野鳥啼夜月石馬卧秋氛勦
業悲前哲簪纓愧後聞流傳青史上翊戴宋明君

遊青原山次隆太古謝子方

逸客淹螺浦尋僧問鷺峰水流通雪竇谷響應霜鐘幻
跡雙荆樹香風五粒松追隨成信宿感爾意重重

又

入雲來駐錫拓地此安禪曾讀傳燈錄因參不二天松
陰山四合雲影塔孤懸消歇同人世憑軒思惘然

江行

江柳拂危磯江花照客衣灘臨交石險山入斷雲微樵
爨春烟起漁歌晚棹歸孤禽渾睡着驚起月中飛

小庄道中

客路千厓裏春風二月中虎蹄荒徑少鶯語故鄉同澗
水蒙回綠山花自在紅物華空滿眼去意只匆匆

題嚴甥玄齡松軒讀書圖

憶爾幽軒好魚書久未逢高科懷五桂喬木愛雙松流

水池邊路浮雲戶外峰世家元不忝力學待昌宗

安慶謁左丞余廷心祠

百戰孤城陷先生獨有祠勲名班左轄心膽戀形墀已
矣英雄死傷哉國步危魚沉芳草沒虎落墜藤欹短日
紓長算高風繫遠思文章傳異代事業責穹碑蘋藻遺
年薦松楸過客悲乾坤新厯數社稷舊陵夷傳入今朝
史歌餘古樂詞有懷因感激千載重民彝

登老姥山

路轉顛崖虎鼻峰上方日晏始聞鐘晴嵐密護岩西竹
香霧輕浮澗底松山果欲凋還共採林僧久別乍相逢
玩奇行遍燒丹處拾得仙人九節筇

次仲修來韻

四海交游盡俊英一時詞藻擅聲名建安七子推王粲
大厯諸公愛長卿野水雲晴蘭柵小山城月淡玉簫清
都將一日三秋意寫作吳歌子夜聲

送姻弟劉子彥應辟

畫船衝雨發官河
束帛徵賢是禮羅
天上午門新日月
海中春水淨風波
經筵進講先三禮
名世登崇重四科
自昔珠林推俊秀
茂才采制蚕鳴珂

幽居同劉韶賦

春泥門港雨聲多
潤浹荒畦露淺莎
石砌落梅疎映竹
鑑池流水細通河
坐深還愛青檀舊
老至其如白髮何
海內太平忻有象
詩成聊復醉時歌

送謝子良驛丞之京

水驛論交舊著名春城分袂若為情空羣竒驥長千里
惜別流鶯更一聲白下雨收梅子熟清江風過柳花輕
歸船暫泊應回首五色雲中是玉京

次仲弟子啓簾憲過洞庭湖

黃鸝樓前曙色開呂公磯上首重迴平湖盡處青天近
積雨晴時白雁來千古戰爭餘舊壘百年歌舞廢崇臺
昔人總逐流波逝猶想清風被八垓

題劉彥昭杏林春曉圖

久看林杏發雙條每到春晴花最嬌
彩雲終日淨如拭
絳雪有時吹未消簡方清潤浮書度
接席繁陰落酒瓢
舊遊回首已十載結賓羈羈須見招

寓京有懷舊友歐陽明善

南平城裏舊相聞覺海橋西喜遇君
泉石間心同止水
湖山往事付浮雲別離久佇雁鴻信
寤寐常懷鸞鶴羣
松竹烟霞清藹藹藤蘿霜月白紛紛

黃堂冬夜詞二首呈全子仁大參

簾底移琴錦幄張梅花枝上月如霜羽書忽報諸州捷
敲折珊瑚一寸長

又

茜色紗籠絳蠟殘綺窗斜月轉雕闌當筵賦得陽春曲
喚取銀箏按拍彈

仙源秋曉

遠是青山近是林仙源秋色雨中深前溪不是桃花水
縱有漁郎無處尋

附葉槧詩

字貫之
吉永人

途中述懷寄張憲副用中李布政昌祺

北闕黃門客南宮
粉署郎姓名傳海宇事業紀旂常夕
殿垂青瑣天書滿玉堂新詩凌鮑謝妙翰繼鍾王
視草詞林久承恩紫禁長遭逢懷聖主眷顧荷儲皇珊瑚宣
廊廟棟楠具棟梁分符辭上苑持節去遐荒疋馬炎蒸
路雙旌瘴癘鄉豺狼曾遁跡鷹隼已飛揚桂嶺開秦室
蒼梧拓漢疆野人踈制度蠻俗少冠裳曉白溪多霧冬

青樹不霜四時榕葉綠尺布野蕉黃春水封川碧寒梅
驛路香扁舟登古刹萬里謁潮陽交誼君偏篤鄉情我
自傷別離寧有恨會合豈能忘傾蓋酬知己分簪限各
方明朝故園雨回首思茫茫

送高苑教諭萬宗海考滿之京

送別金臺去迢遙路幾千山青鍾阜雨草綠薊門烟行
季惟雙劍清風袂一縉銓曹如有待允矣莫遲延

除夜有感示十弟槃

迢遞踰東廣滄茫又歲除自從辭故里不見有家書風
雨恒懷汝艱難誰念予江南親白髮安否近何如

耕樂

我愛躬耕樂生涯百畝田曉翻溪上雨夕破壘頭烟禾
黍青山外桑麻綠水邊官租輸已畢斗酒醉殘年

雨後江行

早出餘杭郭微茫曉色開畫船上別綠樹水邊酒
為離人勸詩因細雨催故人凋謝久惆悵不勝杯

除夜胥江小酌柬李昌祺張用中

除夕胥江夜泊船短蓬疎雨集羣賢建炎勲業張忠獻
天寶詩章李謫仙水國臘梅寒吐雪山垣榕樹晚凝烟
故情且盡樽中酒莫嘆飄蓬又一年

送傅僉憲啓讓還河南

急乘馳馬至宜陽曾見烏臺六月霜回首又成三載別
相思空有九迴腸范滂攬轡名偏重郭賀塞帷政獨良
四海只今同聖化莫教當道有豺狼

謁齊山翠微亭

石尤終日阻行期
遙上齊山謁翠微
石徑崎嶇荒草合
野亭凋謝落花飛
當年賦詠人何在
此日登臨事已非
却憶樊川千載後
不勝愁絕對斜暉

送布政劉俊還廣西

薇垣官滿正趨朝
南北寧辭道路遙
奏政九天沾雨露
鳴珂十月下雲霄
青楓葉落秋聲早
黃菊花開暑氣消
重到桂林宣聖化
達人安堵樂漁樵

和蕭布政省親客中有懷

衣食京華已十春多愁豈是為家貧恩深未得酬明主
才薄惟慚負老親薊北鄉書秋後少江南歸夢別來頻
白雲惆悵孤飛處目斷天涯有幾人

謁磨崖碑

翠竹黃蘆兩岸秋磨崖碑下暫維舟一時人物俱消盡
千古江山獨此留刺史文章垂宇宙平原翰墨重琳瑯
欲詢往事今何在惟有瀟湘徹夜流

登岳陽樓

巴陵城上岳陽樓
樓外長江日夜流
簾捲斷雲衡岳地
窗寒殘雨洞庭秋
東南勝槩留清賞
唐宋衣冠嘆昔遊
倚徧欄干重弔古
薰葭零落不勝愁

小孤山讀先君石上詩有感

長江滾滾自天開
一柱中流獨壯哉
山接匡廬隨雁盡
水通淮海引潮回
高低題詠今猶昔
上下帆檣去復來
讀罷先君詩舊句
故園東望不勝哀

送楊學士弟歸閩

東風紫陌滿城春
斗酒那堪獨送君
天上暫分鴻雁影
原頭誰念鵠鵠羣
文章海內推蘇軾
孝友閩南讓史雲
後夜連牀應有待
玉堂風雨細論丈

餘杭哭鄒少保先生

天生白首際明時
事業文章早見知
模楷兩朝黃閣老
衣冠一代漢威儀
太常考德新增謚
聖主懷賢為建祠
欲弔孤墳何處是
鳳凰山下草離離

嘉興天寧寺哭仁宗皇帝

昔捧天書出九重春風金殿語從容當時有志陳三策
此日無由竭寸忠四海哭傳遺命詔千官悲慟大明宮
小臣一掬傷心淚洒向吳江恨不窮

元夕

翠擁金鰲拔地開銀燈火樹絢蓬萊層層寶塔雲霄出
疊疊神山海上來歌管徹霄催禁漏香車填路動春雷
昌期同得昇天樂齊獻吾皇萬壽杯

望湖亭與李布政張憲副同登

欲向番陽泛去舲停舟來上望湖亭當堦秋色生簾幕
隔竹濤聲落戶扃水接九江通楚碧雲連五老入湖冥
與君明日京華路早嘆浮生跡類萍

環清軒

新築幽軒俯碧漪一泓澄澈洞無涯寒流曉浸蓬萊島
秀色秋涵太液池入座水光生几席隔窗雲氣上簾帷
間居盡日渾無事惟對青山獨賦詩

蘭亭懷古

蘭亭宴集自豪華內史風流逸興賒曲水流觴雖有路
茂林修竹久無家夕陽幾度空啼鳥夜雨千年自落花
此日西曹看圖盡雲山彷彿舊烟霞

湖州天寧寺

菰城官暇扣禪關蘭宇蕭條屋幾間石上苔深雙塔峙
山中晝永一僧閒梅風釀雨春長在野樹巢烏晚自還
昨日籃輿曾過此不知人世有塵寰

送同年史郎中隨李少保征交趾

將星北闕暫辭朝遠別龍江折柳條京國昔年同擢第
交州萬里獨乘輶談兵幕府秋風動草檄轅門瘴雨消
獻捷天庭應有日功名不數霍嫖姚

龍岡深雨為刑部員外莆田黃常祖題

南望閩關道路長一坏黃壤在龍岡三年洒掃誰供事
千里驅馳祇自傷荆棘叢深春雨後楓梧樹老臘前霜
錦衣得遂歸榮願隴上焚黃倍有光

煮雲軒

侍講歸來禁籞東雪花如席捲長空呼兒近掃堦前白
折竹遙分鼎內紅真率宛同陶令興羸豪應薄家風
天公肯借調和具化作甘霖萬物豐

清風軒

幽軒種竹已成林一榻涼風半畝陰湘水月明看鶴舞
渭川春曉聽龍吟簾前翠色涼侵席窗外秋聲韻入琴
莫學東園桃李質榮枯易改歲寒心

春日同布政周公仲楨叅政葉公景暘遊虎丘

寺總錢金侍郎養正

上方樓閣遠塵寰此日登臨興不懼山鳥亂啼遊客去
林花爭發老僧閒高墳細草荒岡上孤塔斜陽碧漢間
惆悵同胞今又別何妨斗酒笑朱顏

武昌懷古

鄂州城郭古塵寰人物升沉自去還往事謾傳鸚鵡賦
荒岡空見鳳凰山六朝烟樹啼鴉外三國豪華碧草間

欲採江蘿來弔古西風浙瀝水潺湲

題高公器仰高樓

西山萬仞倚層樓十二闌干翠黛流崔顥題詩誰復繼
元龍高卧孰能儔朱簾半捲聽風雨繡戶平臨看斗牛
此日憑高清興足為君呼酒共相酬

過城陵磯弔錢僉憲稽稽被溺于此

城陵磯下水如苔誰料絞宮即夜臺驄馬去時應復返
鯨魚騎後不曾回身隨浪影孤魂遠恨入湍聲萬古哀

此日停舟為揮泪楚招歌罷獨徘徊

石倉歷代詩選卷三百四十七

欽定四庫全書

石倉歷代詩選卷三百四十八

明 曹學佺 編

明詩初集六十八

吳溥

字德潤
崇仁人

別石彥誠同年

別子之官去欣然一笑辭韶華
新歲久心事故人知酒
勸臨行日花迎到任時琴堂春
晝靜民吏恨來遲

騶虞

曠代空聞義獸名威時方覩貢神京千年瑞應從天降
五色文章炫日明香霧晝眠靈固暖落華春踏玉堦晴
西周仁厚今猶昔願把周詩日載賡

題敏求齋

人生天地間歲月能幾何厥躬匪自勵奄忽成蹉跎三
墳自古雅力學尊丘軒齋居務時敏夙昔心靡他泉流
雖涓涓萬折輸江河山基一簣初終見高嵯峨昭然明

鑑內萬象同森羅求之諒非難所貴工磋磨昧昔敏求
志結屋南山阿讀書期有成誓不隨頽波及今向華髮
已負初心多寄言謝王生我詩須咏歌

送人還廬陵

來時梅始華歸時梅已黃送別臨江頭別懷江水長君
家廬陵西我家臨汝湄平居相借問為寄長相思

題金華宗原常雙溪洗藥圖

洗藥臨溪頭水流溪尾香居人飲溪水百年躋壽康石

路曲盤蛇山花如錦黃日暮携藥歸香風滿衣裳

送人還江右

凍雪春始晴楊條未堪折把酒送君行匆匆與君別君
別幾時來來時開我懷青雲共談笑高步黃金臺

戲筆奉寄歐陽公

昨日到監前如何不相過我病君復老眼中能幾箇有
酒須共飲有詩亦同和懸榻待重來寧辭夜深坐

題嚴吏部聽竹軒

峨峨構層軒籩籩種修竹晴色入簾幽涼陰覆簷綠羨
彼軒中人翛遠絕塵俗公堂退食餘時聞戛蒼玉鏘然
鳴復止琴瑟斷還續清如秦女簫怨若湘妃曲又疑海
濤翻天外濺飛瀑錚錚響金鍊軋軋動車轂須臾忽大
作雷雨震山谷深林獸奔駭高樹鳥驚宿凭軒嘆息久
月色皎如燭萬物固如斯動極靜乃復秋高夜沉沉清
賞時自足

寄樂分真素二友

故人久不見新夏候已臨林雨留宿潤庭槐匝繁陰昨夜夢故鄉歡然盡明簪青燈共酌醉耿耿論夙心覺來遠相憶愁嘆日以深何由命吾駕千里遙相尋

賦甘羅城贈王紀善可貞

甘羅年少天下稀當年籌箕孰能違燕丹既歸趙城入諸侯日瘠羸秦肥秦皇勲業連四海東望淮陰小如帶當年曾此築高城留得千秋舊名在竹籬茅屋三兩家垂楊夾道鳴雛鴉人間歲月驚幾換昔時城郭今桑麻

雙旌搖搖指東魯此日登臨重懷古丈夫須作遠大期
出處肯與常兜伍臨淮五月新雨涼薰風滿路紅蕖香
笑談指點王國近浩歌一曲凌蒼蒼

捕魚圖歌

官河雨後春水渾夾河兩岸皆漁村捕魚但願魚課足
風波雖險寧復論大魚無多趁時賣小魚連船賤如芥
大魚賣錢須納官小魚得錢還酒債漁郎捕魚莫厭貧
官河魚米朝朝新勸郎莫厭漁業賤古來亦有非常人

愛竹軒歌

吾家種竹不知數箇箇生時塞行路鳳尾離披拂曉風
龍角參差出寒霧春風三月新雨晴載酒日日尋幽盟
涼陰萬壑激寒玉清吹滿空鳴紫笙嗟君於此忠愛久
白髮相看勝賓友嗜飲能容太守前哦詩欲繼淇園後
我曾看竹來林下高捲紅酣卧深夜風雷倏忽破層霄
知是當年老龍化

送錢習靜還西江

霜風吹人如箭射曉日秦淮送歸客山色初回雪後青
梅花早放春前白使君清望山斗齊歸帆遠指大江西
玉堂愛弟最奇絕錦帶贈送多新題君從少年耽古學
老大寧堪久林壑千年紫氣烟長虹萬仞青雲誰企若
扁舟曉發寧肯遲問君此別來何時南還驛使南枝好
早晚但寄長相思

南臯歌

邑南佳趣人罕知處古得之心自怡草堂邀我酌新酒

索我為賦南臯詩我登南臯常頓足自說南臯勝盤谷
山色長留萬古青水聲寒瀉雙溪玉東風昨夜新雨晴
隔林幽鳥鳴嚶嚶書燈未輟曉窗讀負未復課兒童耕
南臯人家若城市南臯風景清如水每著青衫坐綠苔
何須秋風紉蘭芷我道南臯已十春日與處士情相親
歌終不覺成放浪掉臂直欲超凡塵

鴛鴦詞

美哉乎雙鴛鴦羽毛粲粲昭文章菰蒲滿溪秋水香他

處不虞弓弋傷來來往往雙飛翔不覺人間輕別離夫
南妻北愁斷腸不學世人恩義乖始終向背情無長日
長穩睡蘆花傍同生同死無相忘樂哉乎雙鴛鴦

送曾孫謀通判之官廩州

莫道炎荒遠秋深正好行海天涼雨潤山郭瘴烟清問
俗民無訟看書日有程浴沂家訓在不愧魯諸生

送鄭指揮赴任

萬里來西蜀人稱蓋代雄指麾無失策談笑有奇功騎

賜龍媒駿衣裁獸錦紅逢人問兵甲百萬在胸中

秋興

力困謀非拙愁深髮欲華一身今許國百歲任無家宮
柳仍含翠秋槐半着花長吟聽疎雨清思繞天涯

別石彥誠同年

別子之官去欣然一笑辭韶華新歲久心事故人知酒
勸臨行日花迎到任時琴堂春晝靜民吏恨來遲

挽胡敬方

白頭登貴日獨行冠羣英世誦伯夷傳人知司馬名顯
揚期令子紀述付諸生每說朱衣事令人恨不平

玉堂齋宿

獸爐香冷盡簾垂坐覺中宵淑景移天近玉堂人語靜
月高金闕漏聲遲棋臨殘局機尤密詩到終篇句益奇
但願年年共今夕清歡長不負心期

騶虞

曠代空聞義獸名盛時方覩貢神京千年瑞應從天降

五色文章炫日明香霧晝眠靈固暖落華春踏玉階晴
西周仁厚今猶昔願把周詩日載賡

題松溪圖

溪頭流水繞光寒溪上長松雪未乾無事儘從閒處樂
有書時向靜中看風迴陰壑泉聲急月轉晴窗樹影團
幾度客來門未啓呼兒急為整衣冠

送左仲武還臨州

擬峴臺前江水深故鄉日夜繫歸心細看游子斑斑服

總是慈親密密針雨後叢蘭含紫茁日長修竹轉清陰
家庭勝事皆堪樂到日先須寄好音

送翁教授之官安陸

聖朝清選屬儒冠鳴鐸俄聞向德安講席晴薰花氣暖
臨池秋景墨光寒興來細和菁莪什老去仍甘苜蓿盤
更羨華堂栽五桂花開長共故人看

十二月廿四日宿呂梁洪是夕風雪大作賦此

以慰岑寂

洪河風雪浩漫天客裏逢春倍惆然白首為郎過六郡
憂心報國願千年醉題詩草仍須改坐着看燈花詎忍眠
料得閨中小兒女焚香日日卜歸船

別鄒宗獻

宦路驅馳已十年言歸此日興翩翩山田稻熟堪為酒
野澗魚肥不取錢花徑雨晴宜散步松窗日午任高眠
家藏更有新圖在留與雲來百世傳

白髮

鬚髮今全白應無再黑時晴窗綰新沐拾得幾莖絲

自嘆

一榻寒如水蕭然坐夜深衰顏無藥駐病骨怕寒侵

又

去鄉三十年顏貌總非昔昨日鄉人來人人不相識

悼外姪戴積善

遠樹千重暗江聲日夜哀終南山下路不見汝重來

岳陽樓圖

昔年曾上岳陽樓。高宴湖湘五月秋。老去却從圖裏看。
故人誰似舊風流。

送人遊北京

萬里扁舟一葉輕。春風移棹過金陵。百年鄉思知多少。
半是江湖夜雨聲。

附劉秩

字伯序 豐城人有秋南集

懶拙詩為韓副使作

陶侃勤運甓。君獨以懶稱。公輸巧獻技。又胡以拙名一。

有為已病况復懶拙并無乃假其義遂此曠達情任懶
非汲汲守拙無營營動止付天定得失鴻毛輕視彼流
俗中自然分濁清

裁衣行

裁衣須裁短短衣短衣上馬輕如飛縫袖須縫窄窄袖
袖窄彎弓不礙肘短衣窄袖樣時新殷勤寄與從軍人
願即着衣便弓馬破敵長驅古城下

東湖女

東湖女兒髻綰鴉清晨結伴來西家碧羅裁衫照秋日
香酥暈臉明朝霞儂家住在大堤曲幾度采蓮湖上宿
江南遊客最關情相思一夜秋波綠

望夫磯

望夫磯頭石如虎望夫磯下浪如鼓于今不見望夫人
徒使行人感前古行人心事莫悠悠亦有佳人樓上愁
願使此心如此石行人遠遊歸有日

和孔侍禮韻

百里京城接暮煙依稀景物似秦川棟花落處風飄樹
魚子來時水滿田賈客蒲帆天際落野人茆屋樹陰連
袖中間却經綸手擬向槎頭釣巨鯿

雪溪為高理問賦

一道清溪遶屋斜朔風吹雪正交加九天夜凍銀河水
大地春回玉樹花寒透竹簾欺酒力冰消石鼎煮茶芽
高人風致清如許未遜山陰處士家

贈淮安府知事兼寄經歷

相府馳聲冠六曹又加春色上恩袍畫船載雨過淮甸
蓮幕迎風看海濤王命祇今寬賦役邊庭從此息弓刀
到官煩語饒從事欲寄新詩愧魯臯

寄秦文仲

高住婁東老歲華近緣何事更移家謝公昔辦登山屐
張客今來泛海槎沙浦寒霜肥紫蟹野園秋雨熟黃瓜
五株笑傲遊閒趣三徑歸來看菊花

秣陵懷古

別家楊柳正依依回首西風木葉飛鄉夢已隨雲北散
客心先逐雁南飛三秋邊境仍烽火九月征衫尚綏衣
莫向窮途歎牢落料應青眼故人稀

其二

秣陵風物近如何兵後登臨感慨多雲淨石頭秋嶂出
月明淮口暮潮過離人暗滴青衫淚商女空懷玉樹歌
忽憶舊時聽馬客于今白髮老山阿

其三

酣酒狂歌思欲飄。久從江國駐蘭橈。
芙蓉隔浦聽秋雨，楊柳長亭看晚潮。
遇客有時來問字，美人何處覓吹簫。
題詩欲寫慇懃意，搔首西風雁影遙。

野牧子卷

釣渭耕莘事若何。爭如牧子住林阿。
橫吹短笛風欹笠，倒跨歸牛雨濕蓑。
海上噉鱣持漢節，山中扣角起商歌。
長途我亦歸休者，更擬為樵入薜蘿。

題僧秀北宗竹深圖

萬箇琅玕遠俗氛上人趺坐畢朝曛秋陰覆地長疑雨
寒色浮空半是雲開徑已看通竊窕題詩頻得挹清芬
東林淨社如堪結容我蒲團半席分

奉和石門梁先生原寄韻

掛冠歸隱謝朝班天闕龍鱗不復攀林下一蓬冬聽雪
樓中半榻日看山宦情流水蒼茫外詩思飛雲縹緲間
幾度相思清夢裏皤然鶴髮映童顏

朱夢炎

字仲雅進賢人
仕至禮部尚書

和顏子中韻

曾折蟾宮第一花西風吹袂向天涯班生萬里空投筆
漢使三秋獨泛槎朔漠離愁成白髮南州鄉夢起清笳
歸來恥學梁江總只傍青門老種瓜

謝黃孔曼惠圖書

寸玉方平史籀文遠煩持贈意殷勤非因墮鵠磨碧出
應自雕蟲篆刻分自此姓名垂宇宙慚無翰墨入風雲
春明日啓芸香笥一度封題一記君

舟次采石和聶原濟韻

蛾眉亭下遠帆開春酒香濃琥珀杯詞客浪傳鸚鵡賦
舟人遙指鳳凰臺金陵王氣千年在銀漢仙槎八月來
明日九門稱獻納五雲多處限蓬萊

失鶴

翩翩老鶴逐飄風暗度秋雲幾萬重遼海歸來空有夢
鷺山去後更無蹤思從赤壁舟中見恐向華亭月下逢
丹頂霜毛成悵望不知何處更巢松

寫韻軒

華籍仙班誤泄機何年謫降學書癡晴窗瀉露花堆案
午夜揮毫月滿帷館得春風留鳳帶畫殘秋水照蛾眉
從今了却人間事一曲鸞鶯簫跨虎吹

錢塘西湖

萬里煙消一鏡空水光山色畫圖中瓊樓燕子家家雨
錦浪桃花岸岸風櫂轉舞衣凝暮紫簾開歌扇露春紅
蘓公堤上垂楊柳尚憶重來試玉驄

訪道者不遇

何處尋芝去未還空留雙鶴守玄關殘碁無主石枰靜
舊藥不春雲碓間流水落花香冉冉古壇春蘚碧斑斑
尋君不遇空歸去看徧長松雨後山

送人遊西湖

吳越山川勝槩多彩雲樓觀鬱嵯峨芙蓉日照蛾眉影
楊柳風生翡翠波楚客移舟頻見問吳姬抱客肯相過
片帆明日江東道尚憶樽前對酒歌

送日本國僧

扶桑日本海東南一統華夷聖化覃
杯汎鯨波三萬里
經翻貝葉五千函
焚香晚禮黃金闕杖錫時尋白石龕
佛法如天同廣大
青山隨處即瞿曇

石倉歷代詩選卷三百四十八